

席帽山人小傳



席帽山人王逢字原吉江陰人至正中嘗作河



荐之補疾辭避亂于淞之青龍江復徙上海之烏涇築草

堂以自居自號竄間園丁張氏挹吳大府交辟堅卧不就

洪武壬戌以文學錄用有司啟迫上道子掖任通事司令

以父老叩頭泣請上命吏部符止之戊辰歲年七十元

且自製壙銘是歲卒有梧溪詩集七卷記載元宗之際人

才國事多史家所未備余嘗跋其後云原吉為張氏畫策

使降元以拒臺故其游崑山懷舊傷今之詩予張楚公之

正有餘恫焉而至於吳城之破元都之亡則居齒之憂忝

離之泣激昂憤嘆情見乎詞前後無題十三首傷庚申之
北遁哀皇孫之見俘故國舊君之思可謂至於此極矣謝
臯羽之於亡宋也西臺之記冬青之引其人則以甲乙為
目其年則以羊犬為紀度詞譏語啞啞相向未有如原吉
之發攄指斥一無鯁避者也戊申元日則云月明山鶴怨
天黑道橫蛇丙寅築城則云孺子成名狂阮藉霸才無王
老陳琳殆狂而比于諄矣或言犁眉公之在元籌慶元佐
石抹誓死馳驅哉用自殺佐命之後詩篇寂寥彼其志之
所存與原吉何以異乎嗚呼臯羽之於宋也原吉之於元
也其為遺民一也然老于有明之世二十餘年矣不可謂

非明世之逸民也故列諸詩選之前編而戴良丁鶴之流
以類附焉虞山錢謙益 右傳見牧齋歷朝詩集

江陰志

王逢字原吉居黃山號席帽山人又號梧溪子其後避地
無錫梁鴻山未幾遷松之青龍江又移居橫泖卜隱烏涇
初至正間江陰盜起攻陷城邑東八鄉之民多脅從浙東
帥孫克復欲兵之間故于逢曰民非樂亂無父母耳帥
悟一言而活生人之命若干無錫之人橫罹鋒刃收其遺
骨埋之素多善行金陵臺臣荐逢茂才異等浙西分憲又
荐之皆以病辭偽吳張士誠開藩辟士逢不受辟國朝洪

武中郡縣官交相荐辟皆不就所著有梧溪集行于世
汪澤民身曰原吉學詩丁延陵陳漢卿陳與柯敬仲俱事
邵庵虞公得其傳按梧溪集七卷予先得後四卷後三
十年得前三卷于李近濱氏始成完本其詩多錄忠孝節
義可稱詩史云

松江志

王逢字原吉江陰人才氣俊爽弱冠有令名臺臣荐之以
疾固辭大府交辟皆不就會世亂客游吳中築室青龍江
上以吟咏自娛初祖母徐氏夫人嘗手植雙梧于故里之
橫江逢追思之因名所寓曰梧溪精舍所著有梧溪集

梧溪精舍在青龍江上江陰王逢避地之所逢大母徐夫
人嘗手植雙梧于故里橫河之上故以是名其居示不忘
也中有蘿月山房冥鴻亭小草軒皆自為記

最閒園在烏涇鎮王逢在青龍移隱于此內有藻德池懷
湘坡樂意生香臺幽貞谷濯風所卧雪窩流春石海曙岩

梧溪集卷一

孔子琴操四首

去魯作


汶泗交流兮龜蒙相繆兮鬱乎尼丘兮禮樂賜自周兮大
夫好脩兮吾將返吾輶兮

過匡作

文王徂兮道在予兮天蓋常時則渝兮二三子毋徐兮兮
伊草露之濡兮

去衛作

我行于衛有淇湯兮彼或知本伊流則長載儻載佃禾黍



江陰王

逢原吉



木溪集卷一
送、匪邛鄘于傷武公其亡

厄陳作

天地塞兮日月食兮君子厄兮周公云遠心不知所底極
兮

顏子琴操一首

居陋巷作

陋巷我居孰隘湫兮薄田我田孰畝收兮我順我安親同
休兮仲尼聖也道孰侔兮孰愈予身恨其遊兮

吳季子琴操一首

聘魯作

白日晚兮浮雲滋馬吾秣兮車吾脂望岐周兮不見念秦
伯兮在茲惟山有龜兮惟水有沂禮樂在魯兮高深如斯
聖不我棄兮吳其庶哉

衛女琴操一首

思婦作有序

琴操曰衛有賢女邵王聞其賢請聘之未至而王薨
太子曰吾聞齊桓公得衛姬而霸今衛女賢欲留之
大夫曰不可若賢女必不我聽若聽必不賢不可取
也太子遂留之果不聽拘於深宮思婦不得援琴作
歌曲終縊而死古有弦無歌今弦亦絕矣因補一章

恭承母命兮奉先王疾姓後官兮備酒漿中蹈王薨矣妾
或未亡遂太子之過兮何有三綱淇水云兮苑乎女桑
目冷弦絕兮義也難忘

席帽山詞

席帽山兮岩亭山之人兮朝鉏暮經日月往來兮雲下上
俯萬物兮塵冥兮塵冥兮江介黑彼山人兮衣苧白帶
杜蘅兮咀松柏心周流兮影斯息出無節兮入無時猿鳥
胥樂兮樵牧我知學苟修兮行著槁死岩壑兮予焉悲

寄所思二首

七澤連三湘衆水相沿泗青兮莊離州緣生洲渚隈蒼梧

下白日佳人獨徘徊容光與香艷幸好未衰摧采兮盈襜
裳寄子楚王臺願表貞素節路行難自來
処女難自媒才士難自荐自荐時尚可自媒令人賤猗儺
牽牛花弱蔓緣蕙葭光風拂衢路蘭自老幽遐豈無上尊
酒灑兮傾紫霞公庭大圃暇僮寄天之涯

龐公携家圖引為張橋隱題

鴻鵠巢高林奮翮穴深澗所以龐德公躬耕峴山田當時
劉表儕雄材萬金足置蕪王臺兮成禽荒甘鳩毒醉鞞臂
錦呼鷹來鷹飢受呼飽則去非熊之倫孰得馭諸兒豚犬
遺以危况復蒼生天下慮蘇嶺石鹿雙聳然霞日徇爛芝

荳鮮囊衣裹張車連，白驃青特奉後先。舉家相携入長
烟，竟托採藥終天年。至今事跡有在心，無傳嗚呼孔明不
遇大耳主。必老向隆中眠。

虞美人行贈邵倅

大王氣蓋世，力拔山七十餘戰。龍蛇間得人，為霸夫人虜。
有妾如花無死所，夜寒蒼、星月高，不惜傾身帳中舞。
大王恩深淺，東海青血燄。春艸在當時，早化劍雙飛四直。
楚歌那慷慨，芒碭山開五色雲。雌雄竟與雄，寫羣嗚呼後。
世亂紛々非君擇臣，六當擇君。

唐馬引

明皇樂極天寶年，擘舟將求海上仙。一朝神遊跨八極，數
十萬騎屯雲烟。赤文綠字不復見，錦幪黃帕爭來獻。眾中
一匹目如電，膺門沫赭珠流汗。龍顏眷愛不肯騎，蕭、弄
影華清池奚官日。恰三品料教駝致駒，隨所之是時羊車
行。幸早柳暗花柔，忘却曉夢驚。鼙鼓遂播遷，凝碧空涼遺
宿草。顛危注意大將賢，有馬如此無人前。至今悲風起，毫
素獲略欲飲長城泉。書生亦自心嗒然。

危腦帽歌讀五代前蜀史有感作

白兜羅青衲襖，金雅翠翎七寶飾。圓方及正無定式，國人
戴之天下惜。後官如花醉妝美，君主無心帶冠理。大木書

拔貪狼風猶汎樓船濟江水承平禮樂六草、豈但當時
帽危腦可憐來者忘喪元紅纓未亂如雲擾君不見玉帛
萬國先王朝會弁如星麗北霄鳳凰麒麟在郊陬夔龍前
殿奏蕭韶

天門行

天門高、俯四極寸田尺地登版藉澤梁無禁渙者多瀚
海橫戈恣充斥去年官饑私寇攘今年私醜官價償屠燒
縣邑誠細事大將不死鯨鯢御謂字羅帖烹羊推牛醉以
酒膏纏白帶紅帕首定盟軟血許自新禦寇征蠻復何春
國家承平歲月久念汝行、迫餬口羽林堅銳莫汝櫻慎
也

李羅帖本兒
討方國真兵
敗被執為求招
安王正亭行歲

勿輕夸好身于春風柳黃開陣雲號令始見真將軍

銀瓶娘子辭有引

娘子宗岳鄂王女聞王被收負銀餅投井死祠今在湔
西憲司之左逢感其節孝敬為之祠

蒼梧月落烏號霜寒泉幽凝金井亦綺疏光流大星白夢
驚萬里長城亡女郎報父收囹圄匍匐將身贖無所官家
聖明如漢主妾心愧死提縈女井臨交衢下通海、枯衢
遷井不改銀餅同沉意有在萬歲子春露神采魂今歸來
風冷然思陵無樹容啼鵲先王墓水西湖邊

江浙平章三旦八第宅觀、勅賜龍雷劍引

有劍有劍龍雷名白水為質金為精虹光夜貫牛斗氣玉
匣晝起波濤聲藏之九廟社稷重用之六合風塵清英
宗皇帝加撫惜八十一麟寒動色深陽水泮卧蛭蜒海予
雨來翻霹靂神物自從前代寶國公親授彤庭錫鷓鴣膏
螢今絕年淮汴衰漢興妖祆呂虔大刀霜雪鏑頓_也挫鋒
莫敢前公負佩之下幽燕獨當一函東南天馬蹄而過春
草歇百里青見孤炊烟古來剋敵与制勝未有如公忠勇
盛王將無慚李義師偏裨_也是花敬定四郡九州朕貢遜
千村萬落歸_也命劍當是時成大勳凱旋却掛吳山雪歌
長弄騰木石恠酒酣激烈貌_也群_也復如欵扣闈斬佞臣以
躍变化延平津

任月山少監職貢圖引

謝父老安生民於乎此劍寔与周公出處相類也不久踴

好風東來快雨俱夫須亭觀職貢圖厥首高鼻深目胡冠
挿翟尾服繡襦革帶鞮鞢貂褱褕左女執盃右執壺手容
恭如下大夫首妻髻推將湛盧五采雜珮相縈行轉顧飛
兔飛龍旗_也鏤耳者殿帕首驅櫻珞桓_也既而侏儒一擎木難
珊瑚株一戴玉琢_也後猓_也壚神_也鬢鬢狀乳_也龜復誰牽之鬢
髮須竄後_也莪弁飾寶珠若將入朝謹進趨_也禿矣_也踟亦在
途錦膊_也駝帶汗血駒尊貴卑賤各尔殊_也經營意_也正窮_也銖_也錙

唐祚二閻道元吳今也少監祚京都少監材抱豈画史馬
蹟曾為帝親理河伯川后備任使無支祈氏甘膏廉天
德延祐貞觀比輦陸航海瑱暹暹鳥言夷直遠能述少
監臨古不無以趙公商公暨高李頴頴霄漢嗟已矣霄雲
曙開儼存辰色茅不入穎誰泚周編大書王會禮安得臣
臣奉天紀陋儒作歌之正始

淮安忠武王箭歌題垂虹橋亭

淮王昔下江南城萬灶兵擁獲霓旌錦裘繡帽白玉帶金
戈鉄馬紅鞞纓皂鷗羽箭三十六一一插內蘆魚鼈鹿麝
晝獮猿抱木王師所過全生育彤弓親授聖天子弓影射

入東吳水之波恍浸銅柱標仰見浮屠半霄起王當是時
戢武功指頽草樹生春風宋家降壘朝暮得思罷貫革垂
無窮浮屠上層龍所官寶盤維碧蓮花同弦張滿月報駟
簇忽露半荷薊雲中鏡歌啁轟鼓如競父老頓足驩敬應
泗州使返睢陽亡漢関將入天山定兩賢成敗関盛衰雄
材逸氣王誰並我浮扁舟五湖興載拜何由重安靖猛士
經過合潏省

僧蓮松檜圖歌書遂昌山人鄭明德序後

蓮公画祢東吳精妙蔓花房未嘗寫森張意象亭毒表輒
有神人助揮灑常州貌得劍井松劍氣曠温相鬱葱膏流

節離禍幸免主今顏色青于銅孔廟之檜尤砒砢地媪所
守龍所窟柔柯落蔭根走石疑是忠臣舊埋骨松弓檜弓
豈偶然凌霜輾雪兵燹年蕭痕刀瘡盡輟裂用命歆在
將崩天王姚汪安節憑城親披堅身殲城破百代傳無人
上請配張許日夜二物夙雷纏鄭君古君子此文此
画良有以我題短章非副廉用吊忠魂附遺史吁嗟烈士
長已矣

敬題楊山居太史所藏 文皇帝御書奎章閣碑本

後

先皇龍鳳姿談笑夷內難萬方賀清寧人文劃昭煥奎章

崇延閣天藻發宸翰字畫擬庖犧贊詠缺姬旦璇霄丽日
月華露濯河漢流腴蓬萊地垂輝鳩鵲觀今王廣舊制碑
本無點竄壑封賜臣瑒豈是世所玩為尔忠義心可与金
石貫虫蛇深禹穴蟬蚋飛筒汗寶藏風塵外永夜卿雲爛
相逢感頭白展卷復長嘆游儻懷故洲老驥恋餘棧誰昔
侍經筵流連忘筆諫

七里灘夜泊

山徑富春來百里紫翠接嚴灘十八曲曲曲屏數疊兩崖
負金鰲一水流冰碛直上石作臺梯磴緣截業雲霏變朝
夕天地齊浩劫緬懷巢許徒遠此誠所愜千秋釣游地不

相溪集卷一
屬漢臣妾客星在沈寥五緯光相汁澄潭龍偃卧影帶沙
棠楫風吹澗吐毛露洒杉桂葉先民不可見思從漢高臯
涉夜久情凝高長歌振疲蔞

王貞白墓 在信州永豐縣

道出縣西門躡履可百步蹄然翠石表有唐校書墓校書
吾宗人天馬謝鬲御首登上昇名晚獲御曲譽至今坊改
貫當時官復賦流傳折楊柳婉々春態度載拜還汎掃良
非汾陽慕龍貴德自潛豹貴又不露丘園望京洛豺犬方
支頽竟抱孤臣憂白日空復暮樵童指梧檟往々冠蓋駐
珠襦玉匣葬麥飯曾不具神飭荐林響々意益知遇惟南

豐山高靈溪浩東注

馬洲望孤山

海門窺長江鉅浸天浩淼山根纏坤軸百里見孤杪風披
陰霾晝露洒石黛曉龍泉碧林濕鷗舞白浪杳居然蔽中
洲隱若歷外徼幽貞水仙態軒特國士表時々降天人旌
旆光標鈔予將展高步兵氣秋見兆巖霜草不殺悵望翠
潰梢浮雲非無蒂薄暮心哀々

揚子舟中望鵝鼻山時聞黔南消息

山環芙蓉城私恠鷲鼻狀奔涛鎖長薄大石山名凜相抗
勢雄千軍壘氣冠萬鍾藏草樹春不蕃莓苔沸難傷剗風

過靈雨復值桃花漲破暝鷗鷺盤乘陰龍魚王飄鼓一葦
間攬之膽增壯謝安晉元臣豈踴江海量蒼生方顛連其
敢遂踈放黔陽百粵地黄霧吹扉報再觀神秀姿不心西北
向燁、蒼精出閃、白月漾三斗馮夷官吾奚独惆悵

奉題高宗卷刑部侍郎衛膚敏敷詔後為其七世孫仁近賦詔文附

勅膚敏敷省所奏辭免尚書刑部侍郎恩命事其悉朕
倉卒渡江圖藉散亡深慮吏緣為奸奏犢稽留平讞失
當以卿平日正色侃、論議堅明批理守節屢觸權貴
必能為朕分別隱微章明枉直無其殺不辜寧失不經
欽哉汝諧毋廢朕命所請宜允故茲詔示想宜知悉七日

建炎龍渡江中外極觀仰赫焉志恢復寢尔濫刑賞以時
命秋官固辭表三上夙忝絲綸日春班朝元仗乘輿今播
遷宗社亦震蕩空言忤權貴曷以錯諸枉放棄樗櫟材庶
全雨露養皇覽賜手詔於昭日月朗大禹舍臯陶欽恤義
誰廣巍、白雲司濯、金仙掌玄陰闕棘木一旦風颯爽
有疏甚誌佛無愧十八史文余山儼遺墓世、敷礼享父光
掩虹霞精氣懾夔魍卓落羣松冷萋蕤叢蘭長經過率下
馬謂有神還往我昨歌大招室谷谷靈响衣冠久徘徊氣
墟方块莽願以降生申吾得操几杖

虞女篇奉寄靳奉使

東州有処女門戶代清白七歲承母訓十載遵內則及笄
秉机杼穀錦雲霧色蟋蟀秋梨陰想像龍鳳織雙星望垂
近河漢終阻隔不遺猗蘭佩香艷竊比德世無梁伯鸞死
化山下石日薄黃塵暮誰任補衮職凡百慎裁量願售古
刀尺三嘆掩明妝遲君心鑒識

題烈女廟有引

女何江陰人少有容操五季時避亂前湖舟中賊持兵
犯之何泣曰吾身墮汝手肯從吾禱之于天子父母乎
賊由是少懈何乃立且拜且祈乘間竟投水死後里父夢見何曰
吾當血食此地伺湖成田則廟貌祀我既而果然今廟在華

藏寺南郡志所載畧異逢蓋得先大母所傳云

遺廟湖陰四百年斑江竹映婵娟魚龍水落荏蒲外雞

犬村成廩拓遣不待清名垂女史尚存貞魄降神弦君王

社稷今焉在伏臘染盛自儼然帷箔夜涼臨月榻珮環晨

響起雲輶湘靈鼓瑟虞風盛蔡琰聞笳漢鼎迂嗟彼生還

羞故國何如死節報皇天明妝靚眼黃塵裏重為傷時涕

泗漣

錢塘春感六首

紫罽輶車從六龍盡隨仙曲度青空蒼山樓閣旃林裏赤
羽旌麾野廟中百姓未忘周大賚成都元有漢遺風流鶯

不管傷春恨，衝落桃花滿樹紅。

玉氣凌虛散曉霞，帝闈麟閣靜烟花。
中天日月迂黃道，滄海風雲冷翠華。
望帝神遊夔子國，烏衣夢隔野人家。
當時舉目山河異，豈但紅顏泣舉笳。

周南風俗漢衣冠，五色雲中憶駐蹕。
璠璣高藏白獸慈，珠花簇階文鸞河。
通織女机絲，濕雨歌巫娥。
翠黛寒滿地，吳山誰洒淚。
一江春水獨凭闌。

日華初動袞衣明，劍佩千官隱繡楹。
五色黼函開玉座，九重湯藥下銀罍。
書題鳳尾仙曹喜，恩泱螭均學士榮。
文化有餘戎事畧，銅駝州露不勝情。

瑤池青鳥集觚稜，白塔金鳧燭夜燈。
雲母帳虛星采動，水晶宮冷露華凝。
驪山草暗墟周業，郿塢花繁失漢陵。
白馬素車江海^上，依然潮汐撼西興。

金爵觚稜月內低，冷々清磬萬松西。
五門曙色開龍尾，十日春寒健馬蹄。
紅霧不收花氣合，綠波初漲柳條齊。
遺民暗憶名都會，尚繞湖滄唱大堤。

讀謝太皇詔藁

半壁星河兩鬢絲，月華長照素簾垂。
衣冠在野收亡命，烽火連營倒義旗。
天地晝昏憂社稷，江淮春漲泣孤嫠。
千行哀詔無多字，落葉虛窻萬古思。

讀德祐元年悔過詔藁

一作琉璃

趙璧金潛張赤幟旗東南民物惡流離白毛地冷陽春歇
天目山崩王氣移罪在朕躬知太晚患成心腹悔何追
西官無復西湖踏落日傷心草詔時

題宗進士謝安節故堂有引

公為晉太傅二十九世孫諱國光字觀夫登宗進士補
太學上舍江南內附侍御史程鉅夫荐召不起以隱德
終于松江之立極所居安節堂翰林應奉字文子貞堂
為記至是孫晉徵題是時詩晉字彥明善醫有父行
安節堂開秋浦涓矣、東帛聘當時星辰盡拱天樞象鴻

鵲終巢越樹枝多士頌周成廟樂兩生辭漢闕朝議雲霄
一去高風在手折芙蓉為所思

登飛龍亭在集慶永壽宮 文皇帝潛邸時嘗幸焉

冶城新築紫金臺亭俯青松面、開南國風雲龍鳳起陰
山霜雪鴈鴻來秦王大業知無敵泰伯高名動九垓天意
况垂方寸願遺民搔首重興哀

寄題張太玄天師素華臺二首

玉臺及業上冰輪風露清虛隔几塵珠樹鶴羣長遠夜金
莖仙掌靜融春斗牛星澹臨南極龍虎山高俯七閩中外
晏安祠事少一瓢明水独朝真

星斗闌干露氣清神颯吹動珮環聲
雪封玉兔長生藥人在丹丘不夜城
隱々笙來王子晉迨々夢隔許飛瓊
世間福地俱仙境何日從容散髮行

寄僕公遠應奉應奉一作應奉

桂樹團々不易攀吹香墮子月中間
君家搃在蟾蜍窟朝士同趨虎豹闕
夜秉金蓮當閔道時承玉食自天顏
別來已覺升沉異休向牛歌未出山

簡毅夫同知簡字下一本有帖字

三月春雲拂殿低千官喜氣溢金闕
策陳禮議龍顏悅表謝殊恩席拜齊
南國几年沾化雨朔州今日現文奎
故人

身在江湖上不擬看花信馬蹄

讀國使信大使郝公帛書有序

霜落風高恣所如歸期回首是春初
上林天子援弓繳窮海累臣有帛書
中統十五年九月一日放雁獲者勿
殺國信大使郝經書于忠州真忠勇軍營
新館書蓋如此公字伯常仕世祖皇帝
庚申歲使宋為賈似道拘幽十有六年
此書當在至元十一年是時南北隔絕
但知紀元為中統也先是公羈旅日有
以鴈四十餉公內一鴈酥質稍異命畜
之于後鴈見公輒張翮引吭而鳴公感
悟擇日率從者三十七人具香北拜二
人舁鴈跼其前

手書尺帛親繫雁足且致祝曰累臣某敢煩鴈鄉道信
朝廷鴈其保重欲再拜鴈奮身入雲而去未幾虞人獲
之苑中以所繫帛書託近侍以聞上惻然曰四十騎留
江南曾無一人鴈此乎遂進師南伐越二年宗亡書今
藏諸祕監河南主客劉澹齋書云

西北皇華早東南白髮侵雪霜蘇武節江海魏牟心
占秦兮清秋動越吟蕙葭黃葉暮首宿紫雲深野曠風鳴
賴河橫月映彥擇巢幽鳥遠催織候虫臨衣攬重裁褐貂
餘舊賜金不知年號改邠計使音沉國久虛皮幣家應詠
藁砧豚魚曾信及鴻雁豈難任素帛辭新館敦弓入上林

虞人天与便奇事感來今

憶舊遊 三首

醉酒高陽里題詩左氏庄碧雲垂草帶紅旭散花房流水
循除活飛絲拂鬢長座中誰潦倒遺却紫香囊
臺迥林光合峰孤岳影分勢從平地湧心與異人群解佩
春相贈鳴榔夜忽聞時來面風渚瀟灑誦吾文
紫藟妨過馬青苔委佩魚名通天上籍腹有架間書春水
浮齋艦山雲落板車尚懷仁里草好畊鑿對休居

過余剛中常清雲林 二首

靈草綠含烟桃花紅滿川澹餐雲外粥清供石間泉雨響

尺長誤

注春酒風鳴彈夜弦經過恐難覓養鶴洞門前
一畝閑齋館三年守道心乍來驚野鹿久住識山禽亂石
浮春氣長松落盡陰世人知有此翻畏白雲深

光相洞

光相何年有元和勅賜名金天靈鷲下黑雨石龍鳴莎州
迷行迹桃花隔擢啟神遊到仙境童子恍吾迎

同周南野遊雨石山洞

地主周顒後邀游雨石山風岩寒六月雲岫闢重溪珠閣
參差是芝田僮芥間洞天仙有藉君得工清俸

重遊光相洞

霜葉下楓楠蒼青石洞甜六丁非假鑿大禹若為授下接
炎州海幽生白日嵐人傳古尊宿曾此作禪龕

洞虛觀玩月

獨立髣蕭騷天風吹綺袍石林秋後薄香殿月中高句落
丹山鳳神遊滄海螯仙人渺何所靈響度雲璈

靳士達憲幙遣從子惟正邀飲西湖二首

樓艦圍青幙官壺絡錦絲忘形犀首飲留意鹿鳴詩十里
天開画雙峰月下眉湧金饒夜色歌吹送行遲

湖山千古勝富貴一時心茉莉花浮酒芙蓉火炷沉駉文
停岸馬繡羽勝沙禽再度雲回曲蕭蕭鶴滿林

題垂虹橋亭

長虹垂絕岸形勢壓東吳風雨三江合梯航百粵趨對田
連沮洳鮫室亂魚鳧私恠鴟夷子初心握霸圖

感宋遺事二首有引

至元十三年正月伯顏丞相入杭二月起宗三宮赴上
都五月見世祖皇帝尋命幼主為檢校大司徒封瀛國
公十二日內人安康朱夫人安定陳夫人二侍兒失其
姓泣罷雨襟閉門焚香于地並雉經死衣中有清江紙
書云不免辱國幸免辱身不辱父母免辱六親藝祖受
命立國以仁中興南渡踰三百春躬受宋祿羞為北臣

大難既至守于一貞焚香設誓代書諸神忠臣義士期
以自新丙子五月吉日泣血書

五月無花草滿原天回南極夜當門龍香一篆魂同返枕
藉君王舊賜恩

天遣南姝死北燕宋朝家法竄堪傳當時賜葬崇復闕混
一當過億萬年

題馬遠小景二首

半天飛殿壓金鰲一島春雲護小苑爭捧夜香薰御榻君
王來聽月中濤

斑管書殘女史箴水精深殿樂登臨荷花大得薰風意一

夏吹香上玉琴

題趙文敏蘭

邯鄲夢覺策羸驂
蘭雪迷霜味飽諳
手寫蕙蘭天上滿
歸來春草暗江南

題林和靖詩意

研池冰合艸堂深
月在梅花雀在陰
一日盛傳詩句好
百年誰識紫芝心
和靖未嘗娶傳經業于犹子至登第以其事如元魯山故云

題柯博士墨竹

奎章將士寫蒼筤
葉中含雨露香華
髮婦來無限思九
疑山遠暮雲長

題四皓圖二首

皓首危眉四隱家
高顏下山遠秦蛇
未應羽翼高飛鶴
回覬東陵五色瓜

萬古乾坤一局棋
五文雲采九莖芝
高皇自墮張良計
肯下山來進諫辭

題南園菜亭下竹

此君同我出林丘
自有清風一札秋
不作長鞭及馬腹
却將貞節過人頭

孔疑說

鄉人丁祐妻沒不再娶
號有髮僧予喜其有子為贈
絕句以發其微意

傳家有子日將車散髮從容候曉霞若也新弦膠可續後
堂風雨暗梅花

題回牛

南山春草碧油油夕陽在背餘光留僅容窸威歌扣角不
受梁武金籠頭

題杉溪老人家壁六言四首

十角犁牛前卷一机黃絹比隣婦事姑嫜婉順兒看賓客
情親

朝夕一盂白飯東西几柄青鞋邀客烹葵別墅課兒題竹
高齋

紅白花明水寺青蒼樹遠沙村夜多涼月照席日有清風
拂門

掛中藤蘿石上濯足芙蓉水頭落日不道過東風忽亂
驚鷗

題李後主墨竹

斬金錯刀後鐵鉤鎖寫盡江南春曾不得蓬顆
題趙子固蘭

月冷湘江珮風傳鄭國香氣同堯二女秀比謝諸郎
題李息齋竹

雨露恩深沐風霜節愈高本無斑染淚秋思滿湘皋

齋居

雲來長川白雨歇高林青正自桐膝坐况有太玄經

懷燕操

七國孰大兮金孰與多燕窠小兮金臺我地高天下兮
素田海波昭王禮賢兮臺用不磨於予有志憂世兮它心
謂何

西日操

日之暹兮四海蒼涼日既中兮萬彙寵光中不我臨兮西
下不照我桑白虹上軒兮妖氛肆揚於乎授戈于天兮人
誰魯陽

望鄉操

春水兮滑柔春林兮翳稠春莫不好兮我心則憂徘徊顧
瞻兮非先子所釣游於乎人生不歸兮狐死之羞

精衛辭

維山兮有石維木兮有枝朝啣暮啣兮填無已時形瘁翻
鍛兮口血淋漓海之大兮天倪海之浸兮天池海變田兮
天寔我為身甚微渺兮心莫海窺於乎如精衛之人兮誰
其汝悲

涵泳齋辭有引

雲間謝仲允架閣扁所居齋曰涵泳以延其師以教其

子而屬予為之辭、曰

聖教其淵兮聖化其天兮于躍于飛其魚鳶兮道不言而傳兮
涵泳名齋為學然兮心游六經左右逢原兮時雨春風尚詠嘆乎斯弦兮

題俞氏錦野亭詩意圖 有引

錦野亭詩者宋吏部侍郎臨安俞公烈若晦傷在昔錢氏為國歛重民困而作也公登淳熙初第累遷中書舍人會宗室希閭由官所奔喪歸誤伐韓侂胄祖壠傍竹為造墓具法司承侂胄意旨援持仗竊盜例公曰墟墓非人室比兼未嘗持仗今追兩資送以州安置罪涉太

重夫有官之家猶得贖例矧希閭在屬籍特不聞贖乎遂獨以聞山罪伐竹者侂胄痛啣之尋嗾言事者論去家食凡五年起知勳明鎮江三郡時飢疫並興活淮民流移者不可勝計又捐已田倡義役鄉人多德之後君為吏部卒磨蓋其裔也磨築室松江之青龍存志賦畝曰不忘先澤因取詩意繪畜屬予序而歌之用啓孝子順孫之永慕也

孰有血氣兮不知所天孰知禮義兮而忘其先錢社既屋兮錦野草莽俞有詩存兮風系吳土萬支一本兮何間今古顧瞻賦畝兮匪徐伊黍、徐播兮畝鍾日鼓腹兮歌雍

雍謂燕雀兮毋遠爾穀之子若孫兮肯構

張叔夜衣冠墓

高林度疎風僧迎黃葉行興言張叔夜遂謁衣冠塋白河
几橫流寶氣餘淨際傍開洞若堂周抱山如城無時旌
下中夜珂珮鳴得非忠義魄遙過謝先生疊山先生死固
晚並有夷齊清越禽巢相依歲々樂生成微物知所正見
護虞興衝我未屬盛世浩思秋雲平苗夷揉衆草灑露亦
以盈永知百載下誰復踐其形

題墨禾

先生厚稼穡訓言載書詩後賢惧荒怠圖以鑒來茲嗚呼

人文弊遂有丹青師甚至被龍袞殿上染花枝織襪極天
真何益家國為相氏代北曹乃背世俗馳手寫一穰穡自
比九莖芝泥々灑露溥裊々秋雲垂所願天下民與帝躬
耘耔殊御布穀歆稊稗搖風漪稊稗熟尚可蠶賊害方滋
作詩歌道周庶幾良牧知

宿淞江館

雲脚霾日車石角闔潮音朔風回薄暮故人吹我襟我姑
適大邦思快父母心置酒高女館送目浙江潯歌鍾殷廣
陌樓閣帶遙岑飄轡聯轡々駟壯馳駸々明王都在晉上
相鎮斯今本將元方車豈為莊舄吟梅花耿玉雪坐久香

滿林終宵樂清夢不記歲華陰

草萍值雪

蔣蓮雲田合草萍雪紛雨颼、山寒勁慘、野色暮茅茨
道傍舍槎枿溪口樹猿孫憑深林僕馬瘦中路雙親各垂
老願我垂百慮天嗇孝養歡徒携甘旨具薪蒸燎衣褐筐
筥陳薯蕷窮冬且加餐無為迫前驚

玉山道中

群山奠南服秀色競東迤我迎懷玉來一雪淨百里冰溪
馳晝夜湍激石齒、風林迴蒼寒雲日開繡綺役夫前呼
柝繚繞入峻峴時無盜賊虞地有形勝美沽帝轟深淹燈
鼓動虛市時、斑白民出售狸与麕軋封古名鎮烟火望
中是何得一囊錢親筵致甘醴

自軋封歸省祖壠過大南嶺向玉山

從親客殊鄉所忻塵事屏茲承有方後願言千里聘朝辭
縣北山午踰虛南嶺濕嵐返浮雲高日下踈耿亂田麥蕃
撫絕壁松秀整登、復輿勞委、蘿徑永異品辨夔且独
往見僧影冲襟暢寬曠玄趣集溪靜丘墓躬汛掃庭闈念
定省僕夫戒期程烏啼復予警

感託上任中丞秦治書四首

西北雄都城岩窅蒼龍闕御溝行河漢端 夾日月穹窿

林溪集卷一
復道上劍佩儼森列
嚴教被不毛
琛贄來窮髮
始駝白馬
徑載降瑤池
節華音流傑
侏庭舞散渾
脫陛下鼎
盛年行
矣慕謨烈

西日下五城
歸騎飛輕蓋
美人遊蘭苑
公子車同載
噦々
八鸞音喬々
雙珠佩華星
爛複闕翠島
涵清瀨
鳴弦父魚
泳飛鵬
王睢邁佳期
樂馬極芳年
諒難再誰
其守寒閨
寤寐衣裳會

長安多列侯
甲第青雲衢
熊羆布画戟
鼉鼓承銅鋪
恩分
玉液酒勅賜
虎文駒香塵
霏步障光風
轉流蘇
朝除大黃
門夕拜執金
吾器盈靡善
持車敗良疾
驅鐘鼎宜享
德貴

寵祇禍愚由來明哲士
兢揚保身圖

車鳴何彭々馬馳亦啾々
輕裾控長蓋相遶江南

信樂土淤題麗飛樓
王餘吳下膾春雪
郢中謳故里難重
懷震蕩決河流
桑棗歲漸新
風似日復媮
華美何由寔杞
臣徒煩憂

靈岩涵空閣望太湖懷隱士

具區古震澤
壯麗東南州
長夙地軸動
初旭曩采浮
白榆根株懸
夜火光相繆
三江混一氣
四湖匪支流
橫從鳧雁沙
晦昧蛟龍湫
葱青匝水樹
丹碧涵岑樓
盤々洞庭山
橘如杭稔稠
餘甘釀旨酒
亦博千戶侯
詎無英豪士
產茲山

澤陳手披金薤父身被翠羽表蒼生不當問於焉以遨遊
遨遊道有在誰將候虛舟

分題得劍池送張吳縣之嘉定同知

東吳古澤國虜立萃磅礴泰媪閼神秀巨靈為開鑿截薛
立蒼翠斫斫露漸驛兩厓日色寒一道天光落盪閭葵其
下風雨夜移壑至今斗牛間紫氣常烟若我嘗俯瞰之或
恐蛟龍躍令尹儒家子物理素精博五年飲此水遂蘇吳
民瘼遷官槎江上百鷲見一鶚宿暎褰汶濟秋容淨伊洛
行須頌河清休聲著延閣

復如乾封晚經漁浦

窮曠徑渙浦寒水白於練總々星東出獵々北風轉眼中
獸蹄過笛裏魚狀變浦聞刁斗應漸喜烟火見誰家長林
根繫艇沙渚面天含瀟湘思山錯吳越句承平謝憂患少
杜忘羈賤小橋徃未遑雲源訪殊便明涉子陵灘桂酒同
一奠

韓醴泉先輩余麴卓道士邀游東嶽橋釣磯岩壁既

赴鄭糟臺宴眾謂予有高世志屬賦進酒歌遂走筆

我志千載前而生千載後間勞消勝具或寓醉鄉酒東郊

秀壁森錯明^端疎^疎下飲波神驚青雲衣上落照亦放^權摧却

赴糟臺盟糟臺筵開憂秦筑霜寒入簾吹絳燭沉香剗槽

豎簾露風過細浪生攸穀水精盃蒼玉船載酬載醉陶自
然鼻頭出火逐塵未必樂解裏肉消騎馬良可憐五侯七
貴真糞土蜀龜越仇如飄烟聞雞懶舞飯牛恥中清中濁
方聖賢豈不聞縣誰更闡漏逢滴又不見天漢星疎月孤
白我家門鎖友招青僅留校書墳上石墳工石終若何醴
泉麴車更進雙匠羅

寄程嶺程搗謙

憶君城南同筆研別來十載不相見好風吹我千里行又
得遊收永豐縣永豐縣前山崇开永豐溪頭水鬣沙栗留
乱叫格磔語庭雪落盡櫻桃花迹知肥遁雲深裏猩聞酒

香履折齒青草陂塘魚噉喙黃泥菱舍春眠起尊翁頽白
柔手拔弟即羈貫親文史滄浪或接莞尔笑空谷只待雙
然喜我亦長歌朶友章時復夢對月滿赤明河垂地手轉
曙蔣家尖刺青微落三樓岩六峰石釋楊仙陳此其宅洞
歌初眇天唄殷木窰甘馨土瓜白安得胎禽各一隻上下
烟霞縱心迹却過程嶺論程易

寫敬夫御史夜過蘿月山房

我僑縣北西岩阿石上天矯皆藤蘿綠牆蔓屋帶杉桂夜
有霄月相娉娉蒼苔露濕籟逾靜顛倒室明大地影天孫
橋渡鵲休飛木客壺傾雀初醒此時嫦娥朝廣嗣太乙仙

遊杖烟熱添書竹筒動蚪斗布襪青鞋冷霜雪御史隣居
偶和扉琴蘿弄月樂忘歸蘿与月兩無違願月慎敵太陽
醉願蘿常得幽人衣山雲指示邑可改稅駕息馬惟子待

陪曲達魯花赤花王簿遊平山還飲鄭氏水閣

階前神駿驕逸羣席上賓客多能父千瓢酒馭柳于露一
岸紅浸苑花雲 庖香裡面如玉單策烏兔眼瞳綠鈎簾
不可山四寒稀紗歷乱風林烛

三岩行宗邑人蔣夔僧楊氏咸隱此

皎々傳白駒翻々上雙鳧橋項黃馘相候呼草木為我成
數腴映然黝色壁屋起王孫罷吟鶴來改徑行石角斜斷

鋒溪染花香淨流泚混沌之竅三層開呀若疊浪龍門來
得非地設仙境界無乃天造真樓臺雲閣岫恍謝斧迹露
下嵐生翠成滴我方翫骸对奇賞僧何因緣長此竅西偏
尋丈基階荒讀書嘗隱蔣賢良松根久冷青憐火觚稜还
飛金鳳凰世上繁華易塵土可嘆山間亦非古樵兒安知
時代序爭和牛歌出林莽

僧慧畹畝同芳圖

引字復之隱居教授御里 慧沈姓嘉定需家子今名復

君山秀蔚大江白慧書記者山耕宅愛吟楚詞画楚蘭宿
世應為獨醒客霧均獨醒那復見春蘭猶見灵均面迩來
蘭亦少見之騷人志大良心見一眷天氣今日美思攬山

雲擢江水席帽飄蕭蒼隼林松腴爛熳水蚕紙澧花沅芷
澹不嬌光風入簾佩影姚子凌波之微步隱然拔俗之清
標孤竹子子節自持似與玉樹賓朝暉女蘿婦寺態倒舞
厓石青裳衣却憶驂鳶夢遠馳洞庭渺茫吞九疑蕪蔡平
接賈傳井鷓鴣叫斷湘妃祠湘妃祠賈傳井詔招魂兮魂
莫省先民不作兮淳風曷回木魅前跳兮山鬼後騁慧也
釋氏英意匠擱染趙弟兄子願除結習我願離夢想方駕
太史窺荆衡挂醕奠芳烈琴書絲發商聲以寫我曠世感
慕之中情

奉寄王丁二御史

卷之四